

## 23-bob. Byudjet ssudalari, kredit liniyalari va kreditlar

### 157-modda. Byudjet ssudalari, kredit liniyalari va kreditlar berish

Byudjet ssudalari, kredit liniyalari va kreditlar O‘zbekiston Respublikasining respublika byudjeti mablag‘lari va qonun hujjatlariga muvofiq boshqa manbalar hisobidan berilishi mumkin.

Byudjet ssudalari, kredit liniyalari va kreditlarni berish qonun hujjatlari hamda shartnoma bilan belgilanadigan muddatlilik, qaytarish, maqsadli foydalanish shartlariga va boshqa shartlarga asoslanadi.

### 158-modda. Rezident-yuridik shaxslarga beriladigan (ochiladigan) byudjet ssudalari va kredit liniyalari

Byudjet ssudalari va kredit liniyalari rezident-yuridik shaxslarga O‘zbekiston Respublikasi Vazirlar Mahkamasining qarorlari asosida berilishi (ochilishi) mumkin.

Byudjet ssudalari byudjet tashkilotlariga bevosita O‘zbekiston Respublikasi Moliya vazirligi tomonidan beriladi.

Kredit liniyalari O‘zbekiston Respublikasi Moliya vazirligi tomonidan rezident-yuridik shaxslarga ularga xizmat ko‘rsatadigan tijorat banklari orqali, shuningdek bevosita tijorat banklariga ochiladi.

### 159-modda. Byudjet ssudasi va kredit liniyasini o‘z vaqtida qaytarmaslik

Byudjet ssudasi yoki kredit liniyasi, shu jumladan foizlar byudjet ssudasini berish yoki kredit liniyasini ochish to‘g‘risidagi shartnomada belgilangan muddatlarda va hajmlarda o‘z vaqtida qaytarilmagan taqdirda O‘zbekiston Respublikasi Moliya vazirligi:

qarzni qarzdordan so‘zsiz tartibda undiradi;

har bir kechiktirilgan kun uchun muddati o'tkazib yuborilgan qarz summasining 0,033 foizi miqdorida penya hisoblaydi.

#### 160-modda. Chet davlatlarga beriladigan kreditlar

Chet davlatlarga kreditlar belgilangan tartibda beriladi.